

## Departir

Qntal

Cant voi l'aube du jour venir,  
Nulle rien ne doi tant hair,  
K'elle fait de moi departir  
Mon amin, cui j'ain per amors.

Or ne hais riens tant com le jour,  
Amins, ke me depairt de vos.

Quant je me gix dedens mon lit  
Et je regairde encoste mi,  
Je n'i truis point de mon amin,  
Se m'en plaing a fin amerous.

Or ne hais riens tant com le jour,  
Amins, ke me depairt de vos.

Biaus dous amis, vos en ireis ;  
A deu soit vos cors comandeis  
Por Deu vos pri, ne m'oblies !  
Je n'ain nulle rien tant com vos.

Or pri a tous les vrais amans  
Ceste chanson voixent chantant  
Ens en despit des medixans  
Et des mavais maris jalous.

Or ne hais riens tant com le jour,  
Amins, ke me depairt de vos.